

deprehendi. Possunt etiam sic figurari corpora, ut species & influentia venenosa & infectiva duceretur quo vellet homo: nam sic Aristoteles fertur docuisse Alexandrum. quo documento venenum Basilisci erecti super murum civitatis contra exercitum, deduxit in ipsam civitatem. Possunt etiam sic figurari perspicua, ut omnia homo ingrediens domum, videret veraciter aurum, & argentum, & lapides pretiosos, & quicquid homo vellet, quicumque festinaret ad * visionis locum nihil inveniret. Non igitur oportet nos uti magicis illusionibus, quum potestas Philosophiae doceat operari quod sufficit. Sed de sublimioribus potestatibus figurandi est, quod ducantur & congregentur radii per varias fractiones, & reflexiones, in omni distantia qua volumus, quatenus comburatur quicquid sit objectum. Nam hoc testantur perspicua comburentia antè & retro, sicut auctores certi docent in suis libris. Et maius omnium figurationum & rerum figuratarum est, ut caelestia describerentur, secundum suas longirudines & latitudines in figurâ corporali, qua moventur naturaliter motu diurno: & hæc valeret regnum unum homini sapienti. Hæc igitur sufficiant pro exemplo figurationum, quamvis infinita alia miranda proponi possent in medium.

Al. visitare

CAPUT VI.

De experimentis mirabilibus.

His verò sunt quædam annexa sine figurationibus. nam in omnem distantiam quam volumus artificialiter componere ignem comburentem ex sale petrae & aliis. Item ex oleo petroleo & aliis. Item ex maltha & naphtha & similibus, secundum quod Plinius dicit in libro secundo capit. 104. civitatem quandam se defendisse contra exercitum Romanum: nam maltha proiecta combussit militem armatum. His vicinus est ignis Græcus, & multa comburentia. Præterea possunt fieri lumina perpetua & balnea ardentia sine fine. Nam multa cognovimus quæ non consumuntur in flamma, ut pelles Salamandrae, talk, & huiusmodi quæ adjuncto aliquo inflammantur & lucent, sed non comburuntur imo purificantur. Præter verò hæc sunt alia stupenda naturæ. * Nam soni velut tonitrus, &

Janus Vanj.

Lumina perpetua

O o o s

corus-